

書炎以來
野乘記

建炎以來朝野雜記

著者：(宋)李心傳

出版者：江蘇廣陵古籍刻印社

發行者：揚州市古籍書店

定價：玉扣紙本七十元

出版時間：一九八一年九月

統一書號：一一一。。(古)。四

建炎以來朝野雜記卷十四

甲集

宋李心傳撰

財賦一

國初至紹熙天下歲收數

國朝混一之初天下歲入緡錢千六百餘萬太宗皇帝以爲極盛兩倍唐室矣天禧之末所入又增至二千六百五十餘萬緡嘉祐閒又增至三千六百八十餘萬緡其後月增歲廣至熙豐閒合苗役易稅等錢所入乃至六千餘萬元祐之初除其苛急歲入尙四千八百餘萬渡江之初東南歲入不滿千萬逮淳熙末遂增六千五百三十餘萬焉今東南歲入之數獨上供錢二百萬緡此祖宗正賦也其六百六十餘萬緡

號經制蓋呂元直在戶部時復之七百八十餘萬緡號總制
蓋孟富文秉政時創之四百餘萬緡號月椿錢蓋朱藏一當
國時取之自經制以下錢皆增賦也合茶鹽酒算阮冶權貨
糴本和買之入又四千四百九十餘萬緡宜民力之困矣

景祐慶歷紹興鹽酒稅絹數

景祐中天下歲收商稅錢四百五十餘萬緡酒課四百二十
八萬餘緡鹽課三百五十五萬餘緡和買絹二百萬匹慶歷
中商稅錢一千九百七十五萬餘緡酒課一千七百一十餘
萬緡鹽課七百一十五萬餘緡和買絹三百萬匹紹興末東
南及四川酒課一千四百餘萬緡鹽課二千一百餘萬緡折
帛絹三百餘萬匹

潭熙中臨安府城內外及諸縣一年共收
稅錢一百二萬餘緡已當景祐四分之一

兩浙歲入數

祖宗盛時兩浙歲入錢三百三十餘萬緡而鹽茶酒稅十居其八郡國支計皆在其間時以爲承錢氏橫斂之政故賦入視他路已厚淳熙末兩浙歲輸左內藏庫錢至千二百萬緡浙東四百二十八萬浙西七百五十餘萬而茶鹽之利隸於朝廷者不與焉

東南折帛錢

東南折帛錢者張本於建炎而加重於紹興祖宗時民戶夏秋輸錢米而已未以絹折也咸平三年度支計殿前諸軍及府界諸色人春冬衣應用布帛數百萬始令諸路漕司於管下出產物帛諸州軍於夏秋稅錢物力科折輦運上京自此始以夏秋錢米科折綿絹而於夏科輸之聞諸父老川峽四

路大抵以稅錢三百文科折絹料一匹此咸平閒實直也又有所謂和買絹者大中祥符九年內帑災發鏹下三司預市綢絹是時青齊閒絹直八百綑六百官給錢率增二百民甚便之自後稍行之四方寶元後西邊用兵國用頗絀於是改給鹽七分錢三分至崇寧三年改鈔法則鹽不復支而所謂三分本錢州縣亦無從出矣建炎三年苗劉作亂兩浙轉運副使王琮言本路上供和買綢絹每歲爲一百七十餘萬匹乞令民戶每匹折納錢二千朱藏一爲相許之東南折帛錢蓋自此始

三月壬辰

紹興二年秦檜爲相呂元直督軍於外戶部

請諸路上供絲帛並半折錢如兩浙例又許之

三年五月甲申

是時

行都月費錢百餘萬緡財無所從出四年梁汝嘉在戶部乃

令民輸帛每匹納錢四千或六千

綱以十分爲率二分折四千八分折六千絹以十分

爲率折納五分其二分折四千三分折六千

折帛錢自此愈重

十一月甲午

九年復河

南赦遂減折帛錢匹一千

正月丙戌

其後又增之十七年始詔兩

浙絹綢每匹減作七千和買六千五百縣每兩四百江東綢

絹每匹六千縣每兩三百時東南諸路歲額綢三十九萬匹

浙東上供八萬淮衣福衣八千浙西上供九萬二千淮衣萬六千江東上供九萬淮衣福衣三萬七千江西上供五萬二

千淮衣福衣一萬五千絹二百六十六萬匹

浙東上供四十萬三萬六千淮衣

湖北上供三百皆有奇福衣五萬三千天申大禮八千浙西上供三十八萬一千淮

衣福衣十三萬八千天申大禮八千江東上供四十萬六千

淮衣福衣十三萬九千天申大禮八千江西上供三十萬五

千淮衣福衣六萬七千天申大禮八千已上皆有奇淮東天
申大禮四萬九百五十淮西天申大禮三千七百湖南天申
大禮四百廣東天申大禮四千六百廣西天申大禮六千五
百綾羅純三萬餘匹

浙西綾入千七百婺州羅二萬湖南平純三千

其淮衣福衣及

天申大禮與綾羅綢總五十二萬匹有奇皆起正色其他綢
綢二百五十六萬餘匹約折錢一千七百餘萬緡而縣不與
焉

兩川畸零絹估錢

兩川畸零絹估錢者本三路綱也方承平時東西兩川每歲
於二稅及和買畸零絹內起正色絹三十萬匹應副陝西京
西河東支遣謂之三路綱運建炎三年張魏公出使川陝改
理估錢以給軍食西川每匹至爲錢十一千東川每匹十千
紹興二十五年鍾世民奉詔裕民每匹減一千七月二十七
年蕭德起爲帥又減一千甲中其後節次減免今猶輸七千
或七千有半紹熙末楊侍郎輔總計又權減一千至今爲例

兩路見額理絹估錢二百餘萬實理錢一百七十餘萬云

四川上供絹綢綾錦綺

四川上供絹綢七萬四千匹

西路天中大禮絹一萬三千東路上供一萬一千天中大禮一

萬六百夔路上供絹二萬二千綢三百三十綾三萬四千餘

天申大禮七千利路天申大禮絹八千三百匹
東川二萬六千三百錦綺一千八百餘匹
成都路皆正色也

兩川激賞絹

兩川激賞絹者建炎四年宣撫處置使司量宜於四川民戶

勸諭令其等第輸納以助給賞凡三十三萬餘匹俟邊事寧

息卽罷不爲永例自後不復減紹興十六年鄭亨仲爲宣撫

副使始減利路絹二萬匹

十二月戊戌

二十七年鍾郎中奉詔裕

民復減夔路絹九千餘匹惟東西二川獨存至今遂爲常賦

舊例皆理正色紹熙末楊嗣勳總計每匹但取估錢引三千民甚便之慶元中司農少卿河閒權安節總計又權減一千今以爲例凡兩川激賞絹額理三千萬匹實理緡錢六十萬焉

兩川縣估錢

兩川縣估錢者舊例上三等戶皆理正色而下戶每兩估錢半千所以優之也楊嗣勳總計始令當輸正色者每兩估錢引二分而舊輸錢者如故是上戶反輕下戶反重矣至今猶然其他綢絲綾凡舊來三路正色綢視此而輸其直

西川布估錢

西川布估錢者始天聖中辟田帥蜀於成都府邛蜀彭漢州

永康軍產麻六郡歲市官布每匹給錢三百以起上供及三路綱運是時價值頗優民樂與官爲市至熙寧閒物已貴於是每匹增價至四百然始以等第配率及軍興以來遂改理估錢以贍大軍每匹至爲錢三千後節次減免至慶元初每匹猶理二千或千七百三年袁起巖爲帥與諸司議每年減其半制置司成都府抱五萬緡總領所三十萬緡轉運司五萬緡每年春正月乞降度牒百五十下制司出賣爲錢十五萬緡所餘四千七百緡令提刑提舉司抱納九月癸亥以聞今西川布估錢實理緡錢六十五萬緡

廣西折布錢

廣西折布錢者舊有之獨桂昭二州歲產布九萬二百匹有

奇每匹折錢五百紹興五年張魏公爲都督每匹增至千五百文二十年駱彬爲廣西提刑代還奏減三之一上悅從之擢彬直祕閣

正月丙午

今實理緡錢九萬云

總論國朝鹽筴

國朝鹽筴舊有三路解鹽行於關中東北鹽行於東西畿甸東南鹽行於江淮東南鹽者通泰煎鹽也舊爲江湖六路漕計蔡京爲政始行鈔法取其錢以贍中都自是淮浙之鹽則官給亭戶本錢諸州置倉許商人買鈔算請閩廣鹽則官般官賣以助歲計其後亦行鈔法然罷復不常舊淮鹽息錢歲八百餘萬緡紹興初纔三十五萬緡而已以後朝廷益修其政至紹興末年東南歲產鹽二萬七千八百六十萬斤

浙西路臨

安平江嘉興三府凡一百十三萬七千一百四十五石六斗
七升七勺浙東路紹興慶元府溫台州凡八十四萬八千二
百八十三石九升二勺淮東路通泰楚三州凡二百六十八
萬三千七百一十一石六斗二升五合廣東路廣惠南恩州凡
三十三萬一千六十石三斗四升廣西路廉高欽化雷五州
凡二十三萬一千六百八十九石福建路福泉漳三州興化
軍凡二千六百五十九萬九千四百十五斤十三兩五錢
自福建外每五十斤爲一石淮
浙鹽六石爲一袋鈔錢十有八千紹興四年正月增三千九
月以入納遲遂罷之今六路二十二州通收息錢約一千九
百二十餘萬

紹興中東南產鹽每年二
萬七千三百七萬餘斤

淮浙鹽

淮浙鹽額最多者泰州歲產鹽一百六十一萬石嘉興八十
一萬石通州七十八萬石慶元三十九萬石淮浙鹽一場十
竈每竈晝夜煎鹽六盤一盤三百斤遇雨則停漳熙末議者

謂總轄甲頭權制亭竈兜請本錢恣行刻剝懼其赴愬縱令私煎且如一日雨乃妄作三日申若一季之閒十日雨則一場私煎三十六萬斤矣而又有所謂鑊子鹽亭戶小火一竈之下無慮二十家家皆有鑊一家通夜必煎兩鑊得鹽六十斤十竈二百家以季計之則鑊子鹽又百餘萬斤矣一場之數如此則諸路可知也十三年九月己未遂罷總轄令亭戶自請本錢焉

廣鹽

廣鹽舊從官賣建炎四年春以淮鹽道不通戶部侍郎葉芬乞通閩廣鹽於諸路侍郎高衛因請卽虔州權貨務鬻廣南鹽鈔二十萬緡以供行宮之用許之

正月辛亥

未幾復止是時恩

州未有鹽紹興初以鹹土生發始權之鹽田一頃二十四畝

置竈六十七歲產鹽七十萬斤有奇

元年二月壬子

後收淨息錢三

萬餘緡九年罷官賣鹽許通商於嶺外其錢助鄂州養兵之費十二年冬議者以欽州鹹土生發歲產鹽三十餘萬斤商

人不通請復官賣許之

十月辛巳

已而廣東轉運判官范正國亦

言本路上供及經費皆仰於賣鹽息錢客鈔既行遂或闕乏

請得官賣如廣西不許自後廣西官賣之法又改爲鈔法乾

道四年罷鹽鈔令漕司自認鈔錢嶺南極以爲患淳熙初張

欽夫爲帥始與漕臣詹體仁計議立爲定額定直且條上之

邕州官賣鹽每斤百錢二人旣去漕臣趙公瀚增其六十欽

州歲賣鹽千斛公瀚五增之六年秋侍御史江溥以爲言上

黜公瀚遂詔閩廣發賣鹽自有舊額及定直自今毋得擅有

增添

九月癸未

九年上命奉議郎胡廷直奉使嶺南詳議鹽法廷

直還言鈔法甚便詔罷官賣復通商

十月己未

擢廷直太府寺丞

十二月壬寅

尋出爲提舉廣南東路常平茶鹽同措置廣西鹽事

使行其法明年春降詔諭二廣官吏以更法之故

正月己未

夏又

遷廷直湖廣廣西轉運判官兼提舉鹽事同措置廣東鹽事

四月己酉

胡本詹體仁所薦體仁時爲吏部侍郎卽命知靜江府

四月庚戌

其後又置都提舉廣南鹽事官一員俾掌其政

體仁坐改法不當抵罪於是官般如故焉

福建鹽

福建鹽自祖宗以來漕司官般官賣歲產鹽一千一百萬斤

收課錢四十萬建炎末以淮鹽不通權改鈔法未幾與廣鹽

皆罷之四年四月辛卯第令漕司歲認鈔錢二十萬緡運赴行在紹

興中聞鹽既增倍朝廷以其多羨息十二年又增鈔錢十萬

緡正月辛亥時鹽司悉貯鹽於海倉令上四州取而鬻之以供歲

用其後吏緣為姦鹽惡不可售即按籍而散號口食鹽下里

貧民無一免者人甚苦之民多私鬻以給食而官亦不問二

十六年湯中丞鵬舉以為言詔提刑崇安吳逵覈實七月甲子達

遂約郡縣歲費除二稅所入外即分鹽綱補之凡上四郡歲

般千有六百萬斤視舊直損其三毋得散於民戶舊漕司所

增鹽錢提舉司吏祿錢皆損三之一增鹽錢每斤二十八今損其九吏祿錢每斤一

文今損三分又漕帥二司毋得鬻鹽以侵州縣上悉許之二十七年二月